

乾

象

通

鑑

乾象通鑑卷第九十一

河間府免解進士臣李

聖旨編

西方雜座統論下

諸王星論

五車星論

天潢星論

咸池星論

參旗星論

玉井星論

軍井星論

天屏星論

天彌星論

天矢星論

丈人星論

子星論

孫星論

天關星論

座旗星論

司怪星論

水府星論

諸王星論

諸王星統占

月五星犯諸

客星犯諸王

彗孛犯諸王

流星犯諸王

雲氣犯諸王

諸王星統占

天文別錄曰諸王六星在五車南東西列其西星入

畢六度

甘德占曰諸王六星黑在五車南星明王侯吉天下安星不見則宗社傾四方兵起

天文志曰諸王六星在五車南察諸侯存亡也

古今星釋曰諸王六星乃侯王之象占星以察諸侯之存亡宗社之安危也星明潤而光澤禮樂征伐自天子出星暗及不見則其國有不庭之方星疎圻及移徙則其侯王有匿謀六星俱亡宗社危有自立諸侯

月五星犯諸王

天文別錄曰月犯諸王其國有彊臣一曰藩臣擅主

柄月暈諸王諸侯有陰謀期三日有暴雨即解  
陳卓叙占曰災惑犯諸王諸侯擅起兵一曰諸侯以  
兵叛天子太白逆犯諸王則諸侯互相攻伐天子  
不充制一曰侯甸不服

客星犯諸王

天文別錄曰客星守諸王則諸侯以兵為亂一曰藩  
臣矯制用兵

古今星釋曰客星守諸王其國諸侯不入覲不愛天  
子節鉞一曰諸侯擅命

彗孛犯諸王

天文別錄曰彗星犯諸王其野有諸侯不受制于天子一曰有自立侯王又曰宗社危國棄祀

古今星釋曰星孛諸王其國有易王諸侯有反謀一曰藩臣以兵叛主

### 流星犯諸王

天文別錄曰流星抵觸諸侯出征不順主命

陳卓敘占曰流星出諸王天子以兵易藩臣若流星色黃入諸王其國有入覲侯王

### 雲氣犯諸王

天文別錄曰黃雲氣入諸王宗社安旬服天下和平

諸侯入貢黑雲氣入諸王諸侯以兵叛天子白氣入諸王諸侯彊盛白氣入諸王中國兵彊

五車星論

五車星統占

月五星犯五車

客星犯五車

彗孛犯五車

流星犯五車

雲氣犯五車

五車星統占

天文別錄曰五車五星三柱九星共十四星在畢

北其五車西南入畢六度東南星入畢十六度半

東星入參三度北星入觜一度

石申占曰五車五星三柱九星並赤在畢東北天子  
其車也西北大星曰天庫主太白血次東北大  
星曰微主辰星主燕趙次正東大星曰天倉主歲  
星主魯衛次東南大星曰司空主鎮星主楚次西  
南星曰卿星主蔡惑主魏五星均明則倉庫實星  
不見其國饑食凶兵起三柱出則兵出星入則兵  
入期一年出二月未貴三倍期二年出三月未貴  
十倍期三年出未必大貴柱出不出不近天倉兵  
出未貴轉粟千里倒柱尤甚

右申占曰五車五星三柱三三相連九星在畢北五



車者五帝車舍也五帝座也主天子五兵亦主五穀豐耗五星俱明則吉有變則各以其所命國占之三柱一曰三象天子得靈臺之礼五車三柱均明有常則吉

陳卓叙占曰五車者主五穀豐凶常以五寅占之甲寅日五車有變則黍稷不熟丙寅日五車失常則稻粱不熟戊寅日五車有變則利高燥者不收庚寅日五車失常則利下濕者不收壬寅日五車有變則菽菜不熟又曰五車星各有所主甲寅日天倉星不明則魯衛米穀不熟丙寅日卿星不明魏

分大殺不熟戊寅日司空星不明則楚分土殺不  
熟庚寅日天庫星不明則秦分金殺不熟壬寅日  
傲星不明則燕趙水殺不熟五車失常五殺隨五  
寅日占之各命其國

古今星釋曰五車天子之兵車三柱星又曰三象垣  
星端列天子無武備有內變五星疎并天子失士  
心有陰謀五星俱亡天下大荒赤地千里白骨積  
藉三柱星出則天子自將兵出征三柱星入聚其  
國有外寇暴至

月五星犯五車

天文別錄曰月犯西北大星則泰分財用匱乏月犯  
東北大星則燕趙多微事日犯次東星則魯衛倉  
庫空虛月犯次東南星楚分貴臣惡之月犯次西  
南星則魏分九卿以事至廢月暈五車期五日有  
暴雨無雨則天下有急兵人君當出德令以解之  
古今星經曰太白逆犯五車西北大星與太白犯天  
庫同占太白逆犯五車東北大星與太白犯天獄  
同占太白逆犯次東星與太白犯天倉同占太白  
逆犯五車次東南星與太白犯司空同占太白逆  
犯五車次西南星與太白犯九卿星同占災惑歲

歲星鎮星辰星各因其所犯例皆如此

客星犯五車

天文別錄曰客星犯五車天子尚武其國有兵起一  
曰年穀不登

古今星釋曰客星犯五車守五十日不下者其國大  
饑荒人相食

彗孛犯五車

天文別錄曰彗星掃五車其國絕糧一曰有內變亦  
曰有更王

古今星釋曰星孛五車中天子自將兵一曰天子尚

武國祀棄宗社傾危

建安二十三年三月孛星晨見東方二十餘日夕出  
西方犯歷五車占曰除舊布新之象

流星犯五車

天文別錄曰流星入抵五車其野糴糴饑民為亂一  
曰外兵入寇爭食

古今星釋曰流星出五車歷天倉則兵出粟糴轉糧  
千里天下大亂

雲氣犯五車

天文別錄曰黑雲氣入五車其國絕食飢民為盜人

居惡之白氣入天下大兵起

古今星釋曰黃氣入五車年穀豐歲其有天下安平

天漢星論

天漢星統占

月五星犯天漢

客星犯天漢

彗孛犯天漢

流星犯天漢

雲氣犯天漢

天漢星統論

天文別錄曰天漢五星在五車其南星入畢十一度  
甘德占曰天漢五星在五車內近東南脚主津渡不  
見則關津不通

古今星釋曰天漢主天下津梁濟渡之象星明潤則  
閼津通濟渡無虞星出怒角而數動搖則有水寇  
為亂星踈圻移徙閼津不通亦曰有兵起星俱亡  
則天下兵起

月五星犯天漢

天文別錄曰月犯天漢天下大水毀城邑傷人民其  
下大荒月入天漢陸地為唐

古今星釋曰熒惑犯天漢天下有兵閼津不通太白  
犯天漢天下大水一曰有兵起

客星犯天漢

天文別錄曰客星入天潢則其國有姦臣謀及人君

一曰有叛兵據津要

古今星釋曰客星犯天潢守五十日已上不下者津  
要有急兵良民受禍

彗孛犯天潢

天文別錄曰彗星犯天潢其國有更王一曰有內亂  
古今星釋曰星孛天潢中其國有殃大人當之

流星犯天潢

天文別錄曰流星抵觸天潢外姦入寇國境亦曰其  
野有冰賊



古今星釋曰流星出天潢其野有水災民饑國用匱乏

雲氣犯天潢

天文別錄曰黑氣入天潢天下閉津不通亦曰其國大水白氣入天潢其國有兵一曰其野大戮流血赤氣入天潢其國有大盜據津要

咸池星論

咸池星統占

月五星犯咸池

客星犯咸池

彗孛犯咸池

流星犯咸池

雲氣犯咸池

咸池星統占

天文別錄曰咸池三星在五車中其南星入畢十度  
甘德占曰咸池三星黑在五車內近東北主魚鳥金  
犯其起五星守之大饑火守則大災

天文別錄曰天潢南三星曰咸池魚圍也

古今星釋曰咸池天子之園圃主魚鴈星明潤則天  
子仁及草木昆虫魚鳥之屬星暗及動搖則萬物  
不得其宜天下有凶荒札瘥之若星陳圻移徙天  
下大亂饑

月五星犯咸池

天文別錄曰月犯咸池其野有大臣以兵叛月暈咸

池期五日有雨不雨則期一年有兵起太白逆犯  
咸池其國有不忠臣一曰臣有匿謀災惑守之其  
野大饑一曰大旱荒人相食辰星犯之其野大水  
傷禾鎮歲犯之皆旱荒民流徙

漢孝武元始中太白東入咸池下有不忠之臣

### 客星犯咸池

天文別錄曰客星犯咸池其國有兵災一曰兵將叛  
大象旁通曰客星犯咸池大如栳狀光芒炸若火炬  
守之五十日不去天下有大兵變

### 彗孛犯咸池

天文別錄曰彗孛犯咸池其國有改王一曰大臣有篡弑之謀

古今星釋曰星孛咸池其野有內亂一曰星孛咸池國祚當廢

流星犯咸池

天文別錄曰流星抵犯咸池其野大荒有失業民一曰流星抵咸池天下民流

古今星釋曰流星出咸池其國有兵亂一曰有內變亦曰有叛臣

雲氣犯咸池

天文別錄曰黑雲氣出咸池陰陽不和萬物失性其  
國大水荒一曰大雨不特行毀滅邑傷禾稼民饑  
相食白雲氣入咸池內有兵亂天下兵起黃氣入  
咸池大豐天下和平餘氣俱凶

### 參旗星論

參旗星統占

月五星犯參旗

客星犯參旗

彗孛犯參旗

流星犯參旗

雲氣犯參旗

### 參旗星統占

天文別錄曰參旗九星在畢參間北星入畢一十度

半南星在赤道外二度半

石中占曰參旗九星赤在參西北一名天旗一名天弓星明移則邊兵動守常則無咎

天文志曰參旗九星在參西主司弓弩之張候變禦

難

古今星釋曰參旗九星主邊兵動息星端列其國有邊患星踈圻其國邊將叛一曰有兵亂星就聚其野臣彊主弱一曰大將以兵叛主星明潤守常則天下無事四方賓服

大衆旁通曰參旗移徙不定其國有兵一曰諸侯不

受制于天子參旗近參宿天下大亂有兵災

京房外傳曰參旗脚入玉井則天下用兵留十日以

上天下以兵災失國一曰其國更王

一行游儀後論曰參旗握軍士勞

月五星犯參旗

天文別錄曰月犯參旗其國有自立諸侯一曰彊臣  
矯制太白犯參旗其國兵離一曰兵潰將亡災惑  
犯參旗其國主將以兵叛一曰邊兵有離心

客星犯參旗

天文別錄曰客星犯參旗則外寇犯塞邊兵受殃

古今星釋曰客星入參旗邊境大兵起一曰邊將有

叛謀

彗孛犯參旗

武密曰彗星干犯參旗邊塞有屠城其國有大喪一  
曰彗掃參旗天下兵移又曰參旗出彗天下兵會  
一行游儀後論曰星孛參旗其野内外有兵災一曰  
星孛參旗國祚以兵亡

流星犯參旗

天文別錄曰流星抵觸參旗諸侯爭地相攻一曰有  
自立諸侯



古今星釋曰流星出參旗其國分裂之象一曰彊臣  
專恣不受君制

雲氣犯參旗

荊州占曰蒼白氣入參旗其國有兵喪出參旗其禍  
除又曰入參旗兵起大將戮死又曰起參旗天下  
兵起

和萌曰黃白旗入參旗先驅有拜賜者出參旗先驅  
有黜者

京房叙占曰黑氣入參旗大人憂一曰其國君失主柄

玉井星論

玉井星統占

月五星犯玉井

客星犯玉井

彗孛犯玉井

流星犯玉井

雲氣犯玉井

玉井星統占

天文別錄曰玉井四星在參右脚其西北星入畢一  
十二度半

石申占曰玉井四星赤參下主水泉占曰參足入玉  
井兵起若突出玉井則虎狼衆多害人

天文志曰玉井四星在參左足下主水漿以治厨

古今星釋曰玉井主水泉星踈垺則其國大水傷禾

稼玉井星就聚則其國大旱赤地千里星移徙及  
星亡其野獸傷人一日犀獸入都市害人玉井近  
參旗其國有邊患一日邊將有匿謀

陳卓叙占曰玉井星直其野其水災毀城邑溺傷人  
民糴糴人飢玉井變色失常其野有兵起一日邊  
兵作亂

月五星犯玉井

天文別錄曰月逆犯玉井江河暴溢毀城邑傷人民  
災惑逆犯玉井江河見底赤地千里太白逆犯玉  
井其國有兵喪鎮星守玉井天下興土功妨農時

歲荒五穀不熟民飢

古今星釋曰月暈玉井其野大水辰星犯守玉井江河暴溢洪水泛濫

客星犯玉井

天文別錄曰客星犯玉井其國水泉不通一曰狂獸入城

大象旁通曰客星犯玉井留五十日以上其野有兵憂一曰人君有憂

彗孛犯玉井

天文別錄曰彗星犯玉井人君疾天下多熟病死

古今星釋曰星孛玉井兵起邊境一曰其國以兵樂祀

流星犯玉井

天文別錄曰流星犯玉井其國有外姦入境一曰有  
外兵暴至

古今星釋曰流星抵觸玉井其國用兵一曰有兵變

雲氣犯玉井

天文別錄曰有蒼白雲氣入玉井其國有兵災黑氣  
入玉井其國大水黃氣入玉井其國大稔糴賤赤  
雲氣入玉井天下大旱

單井星論

軍井星統占

五月五星犯軍井

客星犯軍井

彗孛犯軍井

流星犯軍井

雲氣犯軍井

軍井星統占

天文別錄曰軍井四星在玉井東南其西北星入畢  
一十四度半

甘德占曰軍井四星在九將南占曰客金守之軍出  
水守兵死

天文別錄曰玉井東南四星曰軍井主行軍之井也  
兵法曰軍井未達將不言渴者此也

古今星經曰軍井乃行軍之井占星以候兵事星昧  
坼則三軍以亡水潰亂一曰士卒以渴死星訖聚  
則其國大水江河暴漲星俱亡則天下有大兵起  
星殺使及光浮而動搖者天下有兵變

### 月五星犯軍井

天文別錄曰月犯軍井其國有水兵暴至亦日月入  
軍井喪狄犯境月暈軍井其野有急兵焚惑逆犯軍  
井有渴死大將太白逆犯軍井天下有暴兵一曰  
有死將辰星入軍井天下大水

### 客星犯軍井

天文別錄曰客星犯軍井則有外姦入營一曰軍止有匿謀及上將

古今星釋曰客星大如杯逆守軍井五十日不下者其野有急兵客勝主負一曰其野流血橫尸

### 彗孛犯軍井

天文別錄曰彗星掃軍井光芒奄星不見者其國有白衣會一曰有大喪亦曰有大兵變

古今星釋曰星孛軍井其國有更王一曰有易政一行游儀後論曰星孛軍井其野有自立諸侯一曰天下革命



流星犯軍井

天文列錄曰流星抵觸軍井其野有姦使入境一曰  
賤臣有匿謀

陳卓叙占曰流星出軍營遣反問出轅門

雲氣犯軍井

武密曰黑雲氣入軍井其野有急兵白氣出軍井其  
野有兵兵罷無兵兵起黃雲氣出軍井大將受天  
子錫賜黃氣入軍井出軍大勝舉事無不利赤氣  
入軍井軍營有大災青氣出入軍井其野兵乏食

天屏星論

天屏星統占

月五星犯天屏

客星犯天屏

彗孛犯天屏

流星犯天屏

雲氣犯天屏

天屏星統占

天文別錄曰天屏二星在參右腳南其北星入畢一十五度

石申占曰天屏二星赤在井南占曰客星入多疾疫星不見大人寢疾天下同憂

陳卓叙占曰天屏星疎拆則天子有內憂天屏星並芒角相接其國衛兵有變天屏一星芒輔臣有陰

謀二星俱亡及三十日已上人君寢疾亦曰天下有大喪

古今星釋曰天屏變色失度及移徙者天下有大兵起亦曰其國有兵變

月五星犯天屏

天文別錄曰月逆犯天屏天子有內憂月暈天屏期五日有暴雨不然衛士有匪謀歲星逆犯天屏衛兵失勢太白逆犯天屏則天子自將兵焚惑逆守天屏其國宮禁有火災

客星犯天屏

一曰不有亡國將有死君

古今星釋曰星孛天厠其野有兵喪一曰民散為亂亦曰天下大擾

流星犯天厠

天文別錄曰流星抵觸天厠天下民飢亦曰民不安堵四民失業

古今星釋曰流星出天厠人君有酷政流毒于民亦曰下民有叛謀

雲氣犯天厠

天文別錄曰黑雲氣入天厠良民為盜白氣入之天

下之民舍耒耜親戎服黃氣入之下民有暴貴者  
一曰民受居冀青氣人民有饑色赤氣入之天下  
大旱赤地千里

天矢星論

天矢星統占

客星犯天矢

彗孛犯天矢

流星犯天矢

雲氣犯天矢

天矢星統占

天文別錄曰天矢一星在天厠南入參六度

石申占曰天矢一星赤在天厠南占曰色青人飢色

客星黃潤則吉占同天廌

陳卓叙占曰天矢主民之安危歲之豐凶星黃潤有  
常歲豐時和四民安堵星亡則天下大亂色青有  
芒角年凶糴貴色赤而有芒刃則天下大旱赤地  
千里色白民飢為盜其國擾君憂色黑大水溺稼  
民有飢色野有餓莩

客星犯天矢

天文別錄曰天矢星與客星芒角相及其野大饑荒  
亦曰邊兵為亂

陳卓叙占曰客星大如斗器奄矢星不見期九十日

大臣大使出一曰王者與四方戰期一百二十日  
一行游儀後論曰客星始紛紜犯天矢其國賢臣急  
將黜

彗孛犯天矢

天文別錄曰彗星長丈餘掃天矢其國王者內弱威  
令不行

天文總論曰彗星長三丈已上國有大喪一曰王者  
不安天下有

陳卓叙占曰彗星出天矢其野主弱臣彊天子之命  
下出一曰人主有疾病之憂

流星犯天矢

天文別錄曰流星犯天矢色黃有大赦色青有饑荒  
色白有大兵起色赤有大喪流星色黑者其下有  
逆德有逐臣

古今星釋曰流星長及數丈奄天矢隆隆有聲天下  
有惡令民有離心所宿下謀亦曰所經之國有大  
喪禍

雲氣犯天矢

天文別錄曰黑雲氣出入天矢國有大水歲飢民困  
有黃色其野有赦期之十日有赤雲氣出天矢其



國有兵喪

丈人星論

丈人星統占

客星犯丈人

彗孛犯丈人

流星犯丈人

雲氣犯丈人

丈人星統占

天文別錄曰丈人二星在列矢南其東北星入參三度  
甘德占曰丈人二星黑在軍市西南主臣壽占曰星  
不見及客星守之臣不通君

天文志曰軍市西南二星曰丈人星色黃潤有常大

臣有及百歲者一曰朝廷重臣皆老成人

陳卓叙占曰丈人星明潤則人臣以壽終星變色失常大臣有非命者二星疎圻大臣失居心星俱亡則人臣有夭者星暗及移徙則人臣不終天命

### 客星犯丈人

天文別錄曰客星犯丈人星于憂父國憂賊客星抵觸丈人星有兵死大臣一曰有邊將以兵亡者

古今星釋曰客星大如桃守丈人星居之而不去及五十以上者姦臣殺犬將為戰客勝

### 彗孛犯丈人

天文別錄曰彗星抵觸丈人星期三年國亡一曰有更王

古今星釋曰星孛丈人星大臣有逆德一曰人臣有離心期一年大臣以事坐法

### 流星犯丈人

天文別錄曰流星抵觸丈人大臣叛國辱亦曰人臣有陰謀以事敗坐誅

古今星釋曰流星出丈人星犯參宿其國城陷一曰君有內憂

### 雲氣犯丈人

天文別錄曰有黃雲氣出丈人星大臣受賞一曰大臣加扶有黑雲氣入丈人臣坐獄有白氣入丈人星將以兵終有青氣出丈人大臣為盜有赤雲氣入丈人星其國有大災一曰內廷有憂

子星論

子星統占

客星犯子星

彗孛犯子平

流星犯子星

雲氣犯子平

子星統占

天文別錄曰子二星在丈人東其東北星入參八度

甘德占曰子二星黑在丈人東星亡有災守常則吉  
古今星釋曰子星明潤則天下戶口滋多星疎圻則  
國多流徙之民星亡則有災星暗及移徙則國多  
民憂

客星犯子星

天文別錄曰客星犯子星則民不繁盛國多憂客星  
大如挑光指子星隆隆有聲其野戶口滅小民多  
疾病

古今星釋曰客星如粉絮犯子星國嗣不昌其野失  
戶口

彗孛犯子星

天文別錄曰彗星指子星國嗣不立若彗星拂子星  
太子為亂一曰有匿

古今星釋曰星孛子星奄之不見其國亡嗣一曰國  
將棄祀

流星犯子星

天文別錄曰流星犯子星其國東宮有變若色白為  
兵色赤為大災色黑為大水色青黃有喜

古今星釋曰流星抵觸子星若有聲如雷其野有暴  
死居嗣一曰國無承祀者

雲氣犯子星

天文別錄曰黃雲氣繞覆子星其國進戶口天下民庶豐富黑雲氣奄子星其野大水漂傷戶口白氣入之兵殺戶口青氣入之天下大饑民死滿野

孫星論

孫星統占

客星犯孫星

彗孛犯孫星

流星犯孫星

雲氣犯孫星

孫星統占

天文別錄曰孫二星在子星東其東北星入井一十度

甘德占曰孫二星黑在于星東占曰星不見則有災  
守常則吉

黃帝占曰孫二星在于之來星明潤則天下繁盛生  
民尚獲義狗廉壯星亡則民為盜賊星陳圻則生  
民流徙星暗及移徙天下兵起大亂民受其殃

### 客星犯孫星

天文別錄曰客星干犯孫星其國民耗守之五十日  
以上而不去者民勞為亂

古今星釋曰客星大如杵光散有聲其國有暴死之  
民戶口減一曰民災



彗孛犯孫星

天文別錄曰彗孛星掃孫星其國餓孺歲荒減戶口  
一曰民受其禍

古今星釋星曰星孛孫星其國嗣不立一曰國事不立  
流星犯孫星

天文別錄曰流星抵觸孫星其國民有災一曰流星  
擊孫星其國民將流亡

古今星釋曰流星抵孫星奄之不見其國內亂君憂  
民災

雲氣犯孫星

天文別錄曰黃雲氣入孫星其野有承祀之裔生青  
白氣入之為亂赤氣入之國有陰謀子孫

天關星論

天關星統占

月五星犯天關

客星犯天關

彗孛犯天關

流星犯天關

雲氣犯天關

天關星統占

天文別錄曰天關一星在畢西七曜之道主邊兵星  
明有留兵起五星入守貴人多死合五車大將被  
甲而戰也

天文志曰天關一星赤在五車南亦曰天門日月之所行也主邊事主開閉半角有兵五星守之貴人多死

古今星緯曰天關暗其野邊將以兵叛主星就五車有異域其降懷姦謀為亂

月五星犯天關

天文別錄曰月犯天關則邊兵四起一曰邊將為亂月暈天關則四夷來侵王室期七十日勞惑犯天關則大將以兵死亦曰兵四起寇邊太白犯天關為兵起辰星犯中天關邊城陷邊鄙有兵變

古今星釋曰五星犯守天關貴人多死喪一曰大臣以兵死

晉簡文咸安二年五月丁未太白犯天關占曰兵起七月帝崩相溫以威擅權將誅王垣之等内外迫脅又庾希入市城廬慄入宮並誅滅之

漢孝成建始四年彗惑為歲星居其東北半寸所歲星在關星西四尺所彗惑從畢口大星東北往數日至住疾去遲占曰彗惑與歲星鬪有病居歲饑至河平元年六月旱傷麥民食榆皮二年十二月壬申皇后避時昆明東觀

晉義熙四年正月庚子彗惑星犯天關占曰兵起五年劉裕討慕容超後南北軍從運轉不息

義熙十年七月庚辰月犯天關占曰兵起十一年林邑寇交州距敗之

唐聖曆元年五月庚午太白犯天關占曰天關主邊事客星犯天關

天文別錄曰客星犯天關其國有姦臣殺大將客星抵觸天關其野有賊臣犯邊陲

古今星釋曰客星大如枉色如粉絮其野有兵為亂亦曰大將惡之

彗孛犯天關

天文別錄曰彗星掃天關其國有死君一曰不見死  
君必有亡國

古今星釋曰星孛天關其野有革命一曰大臣犯上  
有匿謀

流星犯天關

天文別錄曰流星犯天關其國有姦臣以兵叛主一  
曰流星抵觸天關其野有叛將

古今星釋曰流星犯天關隆隆有聲如雷期百二十  
日野有死將其國有邊兵作亂

雲氣犯天關

天文別錄曰黃氣入天關天子有美祿錫貴臣黑雲氣入天關邊兵為亂犯天子令一曰有以兵叛大將者青氣入天關大臣受辱有赤氣入之邊境旱荒民為盜

座旗星論

座旗星統占

客星犯座旗

彗孛犯座旗

流星犯座旗

雲氣犯座旗

座旗星統占

天文別錄曰座旗九星在井北南北列其南星入參八度

石申曰座旗九星赤在司怪西南主別君臣尊卑位  
占曰星明則君臣有禮

天文志曰座旗九星在司怪西北君臣設位之表也  
古今星釋曰座旗星明君臣上下之分嚴星疎圻則  
朝廷紊亂上下失儀一曰君則有賊臣亦曰大臣  
有叛謀星暗及移徙百官有離心離德一星亡則  
朝廷有姦臣九星俱亡其國內亂星端列則朝廷  
紀綱不振天下民為盜賊



客星犯座旗

天文別錄曰客星犯座旗其國有兵變犯朝廷令亦曰君臣失道以兵為亂

古今星釋曰客星大如炬光芒抵座旗其國有姦臣擅君命以兵叛主

彗孛犯座旗

天文別錄曰彗星長丈所掃座旗其國期一年無君若不及一丈其國大臣竊主柄威令天下

黃帝占曰彗星出座旗為君失臣彗星入座旗為臣失君俱以兵為亂

古今星釋曰星孛座旗其國君臣失道天下大亂

流星犯座旗

天文別錄曰流星抵觸座旗其國有犯上大臣失君臣禮若光奄座旗不見臣侵主柄以事坐法

黃帝總占曰流星入座旗朝廷有兵亂一曰大將有叛君者色白尤甚

雲氣犯座旗

天文別錄曰黃雲氣入座旗其國尊卑辨列上下交泰黑氣入之國有姦謀沮壞朝政白氣入之有兵變在朝野

司怪星論

司怪星統占

月五星犯司怪

客星犯司怪

彗孛犯司怪

流星犯司怪

雲氣犯司怪

司怪星統占

天文別錄曰司怪四星在井鉞西其南星入參六度  
甘德占曰司怪四星黑在座旗東北主候天地日月  
星辰草木禽虫占同靈臺

天文志曰司怪四星在東井鉞前候天地日月星辰  
變異及為獸草木之妖星明主聞災脩德保福也

黃帝總占曰司怪星明則五星循軌日月昭明而無  
鳥獸昆虫之妖星暗及移徙則當候七曜以觀其  
變也

古今星釋曰司怪四星主日星霜露垂鳥草木之變  
候之以察時變星明潤主天子聞災變修德修刑  
以保福也

月五星犯司怪

天文別錄曰月犯司怪期一年有大喪月暈司怪三  
重以上期三年有女喪

黃帝總占曰歲星犯司怪人君逆春令傷木德則歲

星犯司怪其國有憂不可舉用災惑犯之人君逆  
夏令傷大德則災惑犯司怪其國憂內亂太白犯  
司怪人君逆秋令傷金德則太白犯司怪其野有  
大兵喪辰星犯司怪人君逆冬令傷水德則辰星  
犯司怪其國歲飢民流亡鎮星犯司怪人君逆四  
季令傷土德則四星俱失鎮星乃犯司怪其國人  
君失信天下有離心

### 客星犯司怪

天文別錄曰客星犯司怪則天下有妖言以害國政  
漢帝總占曰客星大如杯光半抵司怪主天子不畏

天變以成禍亂

彗孛犯司怪

天文別錄曰彗星掃司怪天子不畏天命以致亡國一曰有更王若彗星長丈所則不有亡國必有死君黃帝總占曰星孛司怪奄星不見其國有亂臣亦曰星孛司怪其國有篡弑之禍

流星犯司怪

天文別錄曰流星抵觸司怪則天官失職被黜一曰臣下出疆以救災異

古今星釋星流星出司怪則太史以詭譎誣君以致

敗國

雲氣犯司怪

天文別錄曰黃雲氣入司怪天子聞災以畏天命黑雲氣入司怪妖言惑天下心青赤氣入之則姦邪司天以致亡國白氣入之為兵變

水府星論

水府星統占

客星犯水府

彗孛犯水府

流星犯水府

雲氣犯水府

水府星統占

天文別錄曰水府四星在東井西其西觜星八參八度  
甘德占曰水府四星黑在東井東南占同水位

天文志曰東井西南四星曰水府主水之官

黃帝紀占曰水府星明潤水官進秋星疎圻則百川  
漲溢星就聚則河失隄防星暗及移徙天下大水  
四星俱亡及五十日以上天下大水傷禾稼毀城  
邑民不聊生

### 客星犯水府

天文別錄曰客星犯水府則江河暴漲水入都市  
古今星釋曰客星大如柱色白守水府不下五十日



以上者水官失職以水坐法

彗孛犯水府

天文別錄曰彗星掃水府彗星不見河海有暴水溢  
傷殺人民糴糴民飢


古今星釋曰星孛水府則天下罷水官一曰水官以  
失職坐法

流星犯水府

天文別錄曰流星犯水府其野百川泛溢水行天下  
古今星釋曰流星抵觸水府則天子憂水荒百姓乏食  
雲氣犯水府

天文別錄曰黃雲氣出水府則水府以職戾黃黑雲  
氣入之則天下大水殺人赤雲氣出水府人君有  
憂大笑白雲入之天下因水荒民為盜賊

乾象通鑑卷第九十一



乾象通鑑卷第九十二

河間府免解進士臣李季奉

聖旨編

南方雜座統論上

五諸侯星論  
積薪星論

北河星論  
南河星論

四瀆星論  
水位星論

耀星論  
天鐸星論

關丘星論  
天狗星論

軍市星論  
野鷄星論

狼星論

五諸侯星論

五諸侯統占

月五星犯五諸侯

客星犯五諸侯

彗孛犯五諸侯

流星犯五諸侯

雲氣犯五諸侯

五諸侯統占

天文別錄曰五諸侯五星在東井東北其西星入東

井六度主刺舉非法祭得其害姦良

石申占曰五諸侯五星赤在北河南主刺舉戒不虞

理陰陽祭得失一曰帝師二曰帝友三曰三公四

曰博士五曰太史此五諸侯者為天下定疑議占  
曰星明大國有福上下相責

天文志曰五諸侯五星在東井北主刺舉戒不虞亦  
主帝心五侯之名與石申之言同星明大潤澤則  
天下大治芒角則禍中五星所犯因其名以占之  
黃帝總占曰五諸侯星疎則天子輔臣有離心五諸  
侯就聚則大臣懷姦謀星暗及移徙則天子失勢  
大臣擅權星光四出而數動搖者國有憂五諸侯  
俱亡天下憂內亂

月五星犯五諸侯

天文別錄曰月犯五諸侯則天子失輔臣亦曰天子  
不納諫月暈五諸侯期五日有暴雨出五日則內  
輔有陰謀

古今星經曰歲星犯五諸侯天子失仁德殺輔臣亦  
曰大臣有憂焚惑犯五諸侯大臣懷二以通姦謀  
太白犯五諸侯大臣擅其叛居鎮星犯五諸侯外  
有不庭之方辰星犯五諸侯姦邪並進忠臣失勢  
晉安帝義熙十四年三月癸巳太白犯五諸侯占曰  
人臣有震主之威又為其喪時劉裕擅命軍旅數  
興其後卒移晉室

客星犯五諸侯

天文別錄曰客星干犯五諸侯大臣懷二以通外姦  
若星大如瓜色白則內輔有叛謀

古今星經曰客星狀如斗器太色如粉絮其國有篡  
弑之禍

彗孛犯五諸侯

天文別錄曰彗星掃五諸侯則大臣擅天子柄以篡  
弑為亂一曰天下有兵亂天子當之

黃帝總占曰星孛五諸侯姦臣據要權上下相奪天  
下大亂



流星犯五諸侯

天文別錄曰流星犯五諸侯則諸侯入覲若色白陰  
陰有聲如雷則外有不庭之方

古今星釋曰流星出五諸侯則天子遣大臣出使若  
色黃赤有聲則天子問罪方伯

雲氣犯五諸侯

天文別錄曰有黃雲氣出五諸侯天子以美玉金珠  
賜大臣有青赤氣出入之皆主諸侯奪爵黑氣入  
之有坐誅輔臣白雲氣入之有以兵叛主之大將

續新星論

積薪星統占

月五星犯積薪

客星犯積薪

彗孛犯積薪

流星犯積薪

雲氣犯積薪

積薪星統占

天文別錄曰積薪星在河東北入東井二十六度

石申占曰積薪一星在積水東南占曰星明則人安

康大守則大旱又曰積薪以供庖爨也

天文志曰積薪一星在積水東北供庖厨之正也

古今星釋曰積薪明潤光澤則天下民安星出四角

而數動天下大荒糴貴人死若星暗及移徙天下

不寧

月五星犯積薪

天文別錄曰月行逆犯積薪百川泛濫五穀不熟人饑月暈積薪期三日有暴風焚惑守積薪大旱赤地千里白骨籍籍太白守之大將乏兵儲三軍車食為亂

客星犯積薪

天文別錄曰客星犯積薪則民不火食亦曰大旱民饑古今星釋曰客星大如桃色若粉絮于積薪則民饑生魚一曰歲歉民乏食一曰大水民乏食石申曰

民饑生魚此歲饑之謂也

彗孛犯積薪

天文別錄曰彗星掃積薪天庖乏食天子憂饑荒彗  
星出積薪隨所指國饑民死亦曰彗芒所指民不  
粒食

古今星釋曰星孛積薪天子憂食一曰大旱千里無  
立苗

流星犯積薪

天文別錄曰流星出積薪天庫有災石申曰流星擊積  
薪則大焚天倉

古今星釋曰流星抵觸積薪則外國有貸粟使者入  
疆若色白有聲如雷因以起兵天下大亂

雲氣犯積薪

天文別錄曰黃雲氣出入積薪則天下民安時和歲  
豐赤雲氣出積薪天下大旱赤地千里民茅滿野  
黑雲氣入之大水傷禾稼人民青氣出入之主  
大饑天下民食菜

南北河統占

唐一行論曰凡天下山河之象存乎兩戒北戒自三  
危積石負終南絡地之陰東及太華連商山熊耳

外方桐栢自上洛南逾江漢據武當荆山至于衡陽乃東循嶺傲達東甌閩中是謂南紀所以限蠻夷也故星傳謂北戒為胡門南戒為越門河源自北紀之首循雍州北傲達華陰而與地絡相會並行而東至太行之曲分而東流與涇渭濟瀆相為表裏謂之北河江源自南紀之首循梁州南傲南微達華陰而與地絡相會並行而東及荆山之陽分而東流而漢水淮瀆相為表裏謂之南河故於天象則弘農分陝為西河之會五服諸侯在焉自陝而西為秦涼北紀山河之曲為晉代南紀山河

之曲為巴蜀皆負險用武之國也自陝而東三川  
中岳為成周西距外方大伾北至于濟南至于淮  
東達鉅野為宋鄭陳蔡河內及濟水之陽為鄴衛  
漢東濱淮水之陰為申隨皆四戰用文之國也北  
紀之東至北河之北為邢趙南紀之東至河南之  
南為荆楚自北河下流南距岱山為三齊夾石碣  
石為北燕自南河下流北距岱山為鄒魯南涉江  
淮為吳越皆負海之國貨殖之所阜也自河源循  
塞垣北東及海為戎狄自江源循嶺徼東南及海  
為蠻越觀兩河之象與雲漢之所始終而分野可

知矣

北河星論

北河星統占

月五星犯北河

客星犯北河

彗孛犯北河

雲氣犯北河

流星犯北河

北河星統占

天文別錄曰北河三星在五諸侯北其西星入井一

十七度

石申占曰南北河各三星赤在東井東北北河為北

戎陰門亦胡門兩河門三光之常道占曰在北河



不見則北道不通火守之兵起

天文志曰南北河各三星夾東井一曰天潢之關門也亦主關梁北河曰北戒一曰北宮一曰陰門一曰朔門一曰衛星主水而河戌間日月五道之常也河戌動推中國起兵

古今星釋曰北河三星明潤關梁通四海肅清三星端列天下兵起三星疎圻則關梁不通盜賊四起三星就聚則胡兵倡獫狁中國若三星光浮而數動推則胡地大水若三星暗及移徙則天下大亂月五星犯北河

天文別錄曰南北河之間乃日月五星常行之道也  
若月近北河胡兵有死君一曰不有死君必有亡  
國若月遠犯北河則胡有大喪月暈北河期五日  
有暴風雨出五日無雨則有女喪若太白犯北河  
天下兵起一曰有白衣會焚惑犯之夷狄犯塞辰  
星犯之北胡有水災鎮星犯之有土劫華民勞怨  
為盜

### 客星犯北河

天文別錄曰客星犯北河關津有警若色白兵大起  
古今星釋曰客星大如瓜色蒼白胡兵入中國為亂

亦曰胡兵入塞中國擾

彗孛犯北河

天文別錄曰彗星掃北河主胡地有兵起

古今星經曰星孛北河則胡門有兵起喪一曰星孛

北河胡動干戈

晉書武太元十五年七月壬申有星孛于北河占曰

北河一名胡門胡門有兵喪至隆安元年王恭仲  
堪等並發兵表以誅王國寶為名朝廷順而殺之  
并斬其從弟驎司馬道子由是失勢禍亂成矣

流星犯北河

天文別錄曰流星犯北河胡使入國境色白為兵色  
赤為喪色青言貸粟色黑為大水色黃則吉也

古今星釋曰流星抵觸北河有聲如雷胡后失勢臣  
下擅權外國侵罰其國

### 雲氣犯北河

天文別錄曰黃雲氣犯北河中外無事天下治有黑  
雲氣入之大水傷禾民饑糴貴蒼白雲氣出入之  
則胡兵侵伐中國青雲氣入北河胡大饑出之中  
國受禍

### 南河星論

南河星統占

月五星犯南河

客星犯南河

彗孛犯南河

流星犯南河

雲氣犯南河

南河星統占

天文別錄曰南河三星在井東南其西明星入井  
一十度

石申占曰南河三星在井東南南河為南戒陽門為  
越門兩河間三光常道也占曰南河不見南道不  
通大守之兵起

天文志曰南北兩河各三星夾東井亦曰天高之關

門也亦主開梁南河曰南戒一曰南宮一曰陽門  
一曰越門一曰權星主大雨河戍間日月五星之  
常道也河戍動搖中國起兵

古今星釋曰南河三星明潤開梁通天下治三星直  
列天下起兵三星疎圻則開梁不通盜賊多有三星  
星能聚越地有兵起若南河三星光浮而數動搖  
則越大旱一曰火災若三星暗及移徙則天下大亂

### 月五星犯南河

天文別錄曰南北河之間乃三光常行之道若月蝕  
南河則東越有兵起月暈南河期五日有大雨過

期不雨有女喪月逆犯南河則有兵喪若太白犯南河則兵起若熒惑犯之天下大旱亦曰有火災若星辰犯之主大水

晉安帝義熙二年二月太白犯南河占曰兵起是年二月甲戌司馬國璠等攻沒弋陽又慕容超侵掠徐兗三年正月又寇北徐州至下邳十二月司徒王謐薨四年正月武陵王遵薨五年慕容超復寇淮北四月劉裕大軍討之援臨朐又圍廣固援之九年二月太白犯南河占曰兵起時劉裕擅命兵甲不休

客星犯南河

天文別錄曰客星犯南河關津有警急一曰有亂兵起  
古今星釋曰客星大如瓜色白如粉絮犯南河有兵  
喪一曰有兵兵止無兵兵起

彗字犯南河

天文別錄曰彗星掃南河則東越有兵出河戒則越  
不利入河戒則中國不利

漢武帝在元封中有星孛于河戒占曰南戒爲越門  
北戒爲胡門其後漢兵擊拔朝鮮以爲樂浪玄菟  
郡朝鮮在海中越之象也居北方胡之域也



流星犯南河

天文別錄曰流星犯南河則越使入境色白為兵色赤為喪色青為言貸粟色黑為大水

古今星釋曰流星抵觸南河隱隱如雷聲越國失勢外國侵伐其國

雲氣犯南河

天文別錄曰黑雲氣入南河大水氏饑赤氣入之大火災其宮殿人君有憂白氣入之為大兵喪青氣入之為歲數

四續星論

四瀆星統占

月五星犯四瀆

客星犯四瀆

彗孛犯四瀆

流星犯四瀆

雲氣犯四瀆

四瀆星統占

天文別錄曰四瀆四星在東井南其東北星入東井

十度

甘德曰四瀆四星黑在東井東南江河淮濟之類占

曰星明泛濫

天文志曰東井南之東四星四瀆江河淮濟之類也  
古今星釋曰四瀆星不欲明明則百川泛濫星微則

吉若明大而冇芒角則洪水泛濫天下大水災星  
若直列則江河淮濟俱漲溢若星疎圻則江江淮  
濟見底若星就聚則江河淮濟為一流若星移徙  
則江河淮濟失故道

月五星犯四瀆

天文別錄曰月犯四瀆則河防失隄備漂泛郡邑月  
暈四瀆期五日大雨盈數尺百川泛濫災惑犯四  
瀆則江河淮濟斷流太白守四瀆則有水賊用兵  
亦曰津梁不通

古今星經曰五星守四瀆城邑如江湖天下大水

客星犯四瀆

天文別錄曰客星犯四瀆則洪水入都市一曰洪水橫流傷禾稼

古今星釋曰客星大如瓜中四瀆五十日不去者人君憂水災一曰久雨百川溢

彗孛犯四瀆

天文別錄曰彗星掃四瀆則大臣有陰謀一曰四瀆當彗尾洪水行千里

黃帝總占曰星孛四瀆星人君憂河防決一曰有彗來流星犯四瀆

天文別錄曰流星干犯四瀆則江河淮濟俱漲合流  
一曰大水溺民泛民舍千里為通津

古今星釋曰流星抵觸四瀆則關津有警一曰關津  
不通

### 雲氣犯四瀆

天文別錄曰黑雲氣入四瀆魚行千里黃氣入之則  
江河淮濟亢翕順流白氣入之則關梁不守一曰  
關兵起赤氣出之則關津不通舟楫弛廢一曰舟  
楫在陸地甘德曰赤雲出瀆為大旱江河淮濟絕  
流故舟楫在地之謂也

水位星論

水位星統占

月五星犯水位

客星犯水位

彗孛犯水位

流星犯水位

雲氣犯水位

水位星統占

天文別錄曰水位四星在東井腳東其西星入東井

一十九度

石申占曰水位四星在東井東南北直列占曰近河

火災客星守百川泛溢

黃帝總占曰東井東南北直列曰水位主水之官也

與水府同占星明潤水官以職進秩明大有芒角  
四出則大水橫流星疎圻則百川漲溢星就聚則  
河失隄防星暗及移徙天下大水傷禾稼泛城邑  
民不聊生

### 客星犯水位

天文別錄曰客星犯水位則江河暴溢水入都市  
古今星釋曰客星大如瓜色白守水位不下及五十  
日則水官失職以失隄防坐事

### 彗孛犯水位

天文別錄曰彗孛星掃水位奄星不見則江河有暴

水泛濫糴糴民饑

古今星釋曰星孛水位則天下罷水官一曰水官以失職坐法

流星犯水位

天文別錄曰流星犯水位其野百川漲溢大水千里古今星釋曰流星抵觸水位則人君憂水患百姓乏食雲氣犯水位

天文別錄曰黃雲氣出入水位則水官以職受賞黑雲氣入之則天下大水殺民赤氣入之天子憂火災白氣入水患民饑百姓為盜



耀星論

耀星統占

客星犯耀星

彗孛犯耀星

流星犯耀星

雲氣犯耀星

耀星統占

天文別錄曰耀四星在璣鬼西北軒轅尾西其四星  
入井三十度

甘德占曰耀四星黑在內平西主烽火占曰星明初  
吉大則有警急星動平角則外夷入寇

天文志曰軒轅西四星曰耀星耀者烽火之耀也邊

庭之警也

古今星釋曰耀星小明光澤則邊庭肅靖星明大出四角及光浮而數動搖則外夷入塞邊民擾一曰人君憂邊境星疎圻則邊民有離心一曰邊兵爲亂星執聚則邊燧數起四夷寇塞一星亡則邊陷一郡四星俱亡四塞俱擾一曰四夷內侵

客星犯耀星

天文別錄曰客星犯耀星則外姦入境以警邊患若星大如桃色白如粉絮則外姦通大臣有居謀

古今星釋曰客星干犯耀星邊將通外姦一曰邊將

以兵叛

彗孛犯耀星

天文別錄曰彗星出耀星人君憂患若尾掃耀星外夷內侵中國一曰邊將通外夷為寇

古今星釋曰星孛耀星則邊將不受制于天子一曰邊將擅王命以兵叛天子

流星犯耀星

天文別錄曰流星抵觸耀星則外夷遣姦使入境一曰四夷遣姦使入中國有陰謀

古今星釋曰流星出耀星外夷寇邊若光芒及尋丈

隆隆有聲如雷則外夷遣使入覲有陰謀

雲氣犯彙星

天文別錄曰有雲氣蒼白色入彙邊越有警患有赤  
氣出彙星則夷狄猖獗不受制于中國有黑氣入  
之則外夷入寇殺掠邊民有黃氣入之則邊將以  
職受賞

天躔星論

天躔星統占

月五星犯天躔

客星犯天躔

彗孛犯天躔

流星犯天躔

雲氣犯天躔

天躔星統占

天文別錄曰天躔三星在東井其西甯星入東井

十五度

甘德占曰天躔三星在東井北星明則歲豐星暗則  
年饑

黃帝總占曰天躔星散側則歲歉民飢星端列則五  
穀不熟糴貴民有菜色星明潤則時和歲豐星暗  
及移徙則大饑民死

古今星釋曰天躔疎圻則粟貴民移星訖聚則民聚  
為盜互相攘奪光浮而數動搖則歲饑民死溝壑

月五星犯天鐸

天文別錄曰月犯天鐸則大水傷稼米貴十倍百姓流徙月暈天鐸百姓不粒食

古今星釋曰熒惑逆犯天鐸天下大旱赤地千里白骨籍籍太白逆天鐸則天下連兵爭擾辰星守天鐸則大水傷稼穡糴貴十倍民死滿野

客星犯天鐸

天文別錄曰客星犯天鐸則天祿匱乏人君憂食若星大如杯色如粉絮則歲饑民流斗米萬錢

彗孛犯天鐸

天文別錄曰彗星掃天。罇國乏軍。儲兵亂失。國若彗尾掃天。罇中星則軍糧乏絕。國祚將棄。一曰乏兵。乏食。國亂棄祀。

古今星釋曰。星孛天罇。其國更王。一曰兵亂。歲數相繼。天下大亂。人相食。

### 流星犯天罇

天文別錄曰。流星抵觸天罇。其國大荒。外夷遣使貢穀。若星色白。有聲如雷。用兵爭食。天下大亂。

古今星釋曰。流星出天罇。則其國餓莩如亂。麻百姓有菜色。人相食。

雲氣犯天樽

天文別錄曰黑雲氣入天樽則大水傷禾稼黃氣出  
入天樽則年穀屢豐青氣入之則菜果不熟白氣  
入之非時隕霜野無立苗大饑荒

闕丘星論

闕丘星統占

月五星犯闕丘

客星犯闕丘

彗孛犯闕丘

流星犯闕丘

雲氣犯闕丘

闕丘星統占

天文別錄曰闕丘二星在南河南其東星入井二十



五度

井德占曰闕丘二星黑在南河南主天子之雙闕諸侯之兩觀占曰金火犯則兵戰于闕

黃帝總占曰闕丘二星明潤則天子安明大出四角數動搖天子徙都二星疎圻則闕廷有兵變星就聚則闕廷有叛臣

古今星釋曰闕丘星暗及移徙天子徙都諸侯不受制一曰諸侯有匿謀天子一星亡則外有不庭之方二星俱亡則天子失勢受制于諸侯

月五星犯闕丘

天文別錄曰月逆犯闕丘則大臣有陰謀以亂都市  
月暈闕丘期五日有大雨不然則下謀上太白犯  
闕丘則闕廷有衛丘造逆謀焚惑犯之則天子有  
兵喪

客星犯闕丘

天文別錄曰客星犯闕丘天子衛士有離心一曰天  
子失左右心

古今星釋曰客星色白如粉絮犯闕丘天子徙都有  
兵變

彗孛犯闕丘

天文別錄曰彗星指闕立則天子失御一曰人君亡國  
古今星釋曰彗星尾掃闕立彗星不見芒長可丈所  
則天子下殿走失勢亡國

流星犯闕兵

天文別錄曰流星抵犯闕立則天子宫闕有逆謀一  
曰宮闕兵起

古今星釋曰流星入闕立則天子宫闕有姦謀若星  
芒如火炬有聲隆隆如雷則姦謀成無聲則謀不成

雲氣犯闕立

天文別錄曰有黃氣入闕立天子宫闕有喜黑氣入

之則有姦臣亂宮闕赤氣出入則宮禁有大災

天狗星論

天狗星統占

客星犯天狗

彗孛犯天狗

流星犯天狗

雲氣犯天狗

天狗星統占

天文別錄曰天狗七星在闕丘東其東頭第一星入東井三十一度

甘德占曰天狗七星黑 辰東北占曰移徙則兵起

天文志曰狼北七星曰天狗主守財

黃帝總占曰天狗星明大則夷狄舉兵出怒角則夷  
狄倡獫狁星疎圻則夷狄衰弱星訖聚則外夷疆盛星  
暗則中國兵疆外夷受制星移徙則邊兵作亂一  
曰邊將有匿異謀

陳卓叙占曰天狗星主邊兵亦主外夷星不欲明大  
則中國失勢夷狄內侵邊民不寧光浮而數動推  
則邊塞有姦臣通外姦為邊患

### 客星犯天狗

天文別錄曰客星犯天狗則有狂虜犯邊域一曰外  
夷人寇若星色蒼白如粉絮則外夷犯內地百姓擾

陳卓叙占曰客星大如旄犯天狗邊兵大起中國大亂

彗孛犯天狗

天文別錄曰彗星掃天狗外夷內侵中國大擾民亂

亡國

古今星釋曰星孛天狗則邊民大擾一曰星孛天狗  
邊民走

流星犯天狗

天文別錄曰流星抵觸天狗則夷狄遣姦使入中國

色黃謀不成色蒼白謀成國亂

陳卓叙占曰流星干犯天狗光芒可丈所有聲如雷

則四夷交侵中國一曰邊民不安靖

雲氣犯天狗

天文別錄曰黑氣出天狗則邊兵潰走入天狗彗兵敗黃氣繞覆天狗則邊將有暴貴者白雲氣入之則夷狄兵彊入犯中國

軍市星論

軍市星統占

月五星犯軍市

客星犯軍市

彗孛犯軍市

流星犯軍市

雲氣犯軍市

軍市星統占

天文別錄曰軍市一十三星在參東南其西中星入東井一度東星入東井八度

石申占曰軍市一十三星赤在參南主市場占曰客星金守之軍大饑

天文志曰軍市一十三星在參東南主軍貿易之市使有無通也

古今星釋曰軍市主三軍貿易之所星明光澤則市易交通有無相濟星暗及動搖則三軍乏食

陳卓叙占曰軍市星昧拆則三軍乏食為亂星就聚則軍儲不繼兵亂戕主將星直列則軍大飢人相



食軍市開口則三軍潰走星移徙則軍潰

月五星犯軍市

天文別錄曰月犯軍市則軍儲匱乏月暈軍市則大將陰受其賂太白犯軍市則軍賞不公亦曰軍大飢焚惑犯軍市貨不通士卒乏食

客星犯軍市

天文別錄曰客星犯軍市則貿易不通三軍困乏若星大如杵枕則士卒貧窘相攘奪為亂一曰大將有憂

古今星釋曰客星入軍市中近野鷄星三軍有爭財

為亂

彗孛犯軍市

天文別錄曰彗星犯軍市則軍財匱乏大將有私愛  
三軍怨謗為亂

古今星釋曰星孛軍市人君憂三軍乏糧一曰人君  
憂食

流星犯軍市

天文別錄曰流星抵觸軍市則士卒市易不通為變  
一曰三軍以有無相援

陳卓叙占曰流星犯軍市則三軍爭食相戕大將有憂

雲氣犯軍市

天文別錄曰黑氣入軍市中則財賄耗乏黃氣入之  
軍財畱有白氣入之邊兵起青赤氣入之則軍市  
空虛兵變相攘為亂

後漢和帝永元十二年十一月癸酉夜有蒼白氣長  
二丈起天因東北指軍市見積十日占曰兵起十  
日期歲明年十一月遼東鮮卑二千騎寇右北平

野鷄屋論

野鷄屋統占

客星犯野鷄

彗孛犯野鷄

流星犯野鷄

雲氣犯野鷄

野鷄星統論

天文別錄曰野鷄一星在軍市中入東井四度

石申占曰野鷄一星在軍市中占曰芒角搖動則兵

起若出軍市則諸侯兵亂

天文志曰野鷄一星在軍市中主變

古今星釋曰野鷄一星在軍市中星明潤則中國兵

彊星出怒角則邊警有急星出軍市天下大亂星

暗則諸侯有陰謀星亡則千里有血流也

客星犯野鷄

天文別錄曰客星犯野鷄則外夷起兵犯塞一曰邊  
兵作亂

陳卓叙占曰客星犯野鷄大如五升器則邊兵叛邊  
民擾百姓受禍人君有憂

彗孛犯野鷄

天文別錄曰彗星犯野鷄則國祚棄三軍叛主大將  
造篡弑之謀

陳卓叙占曰星孛野鷄則邊將通外夷人君失勢亡  
國一曰不有死君必有亡國

流星犯野鷄

天文別錄曰流星抵觸野鷄星則天子遣大將出征  
一曰邊兵起

陳卓叙占曰流星入紫野鷄外夷犯塞曰邊民受禍  
雲氣犯野鷄

天文別錄曰有白雲氣入之奄星不見則邊兵動烽  
火起黑氣入之則邊將有憂赤氣入之主將惡之  
狼星論

狼星統占

月五星犯狼星

客星犯狼星

彗孛犯狼星

流星犯狼星

雲氣犯狼星

狼星統占

天文別錄曰狼一星在軍市東入東井一十度

石申占曰狼一星赤在參東北為野將主侵掠占曰

星移則人相移黃白赤角金大守之皆其起

天文志曰狼一星在東井東南狼為野將主盜賊侵

掠色有常不欬動也

陳卓叙占曰狼星主盜賊掠民財星暗則盜賊不起

星移則民流徙

古今星釋曰狼星主野將狼出四角良民被掠

黃帝總占曰狼星光浮而數動搖則盜賊四起一曰

狼星數推則正畫為

月五星犯狼星

天文別錄曰月犯狼星則豺狼滿路盜賊侵掠城邑  
百姓受禍月暈狼星則野將有匿謀

陳卓叙占曰太白守狼則有兵喪一曰國有大兵及  
大喪亦曰有白衣會英惑犯之則邊將惡之

晉惠帝永興二年四月丙子太白犯狼星占曰兵大  
起是年苟希破公師蕃張方破范王廙關西諸將  
破河間王顒奔東海王迎殺之

客星犯狼山



天文別錄曰客星犯狼星則大盜起郡邑良民受禍  
陳卓叙占曰客星犯狼星色白如粉絮則野將殺掠

良民

彗孛犯狼星

天文別錄曰彗星掃狼星天下大盜起若彗星不見

則良民轉為盜賊天下大亂

陳卓叙占曰星孛狼星野將僭號

古今星釋曰彗星指狼星大盜竊神器天下更令

流星犯狼星

天文別錄曰流星抵觸狼星則大盜侵擾郡縣若星

光如火炬有聲如雷賊盜則四起有借竊之禍  
古今星釋曰流星大如斗器出狼星旁其國有姦使  
流星如斗賊使出走

雲氣犯狼星

天文別錄曰黑雲氣出狼星傍盜賊起良民受禍黃  
雲氣入之則野將受賞蒼白氣入之則野將掠郡  
邑青赤氣入之則野將乏食自潰

乾象通鑑卷第九十二

乾象通鑑卷第九十二

定